

TEZĂUR LITURGIC
4 FEBRUARIE

ACATISTUL
SF.CUVIOASE-MUCENIȚE
ECATERINA
DEKALINA
DE LA
SIMBIR-SPASKI



MOSCOVA, 2000



Акафист святой преподобномученице Екатерине Симбирской

Кондак 1

Богоизбранной новомученице Церкви православныя, новой звезде на небосклоне Церкви Российския, града Симбирска заступнице скорой, за веру в Спаса нашего Иисуса Христа душу свою положившей и венцем славы от Господа Славы венчанной похвалу воспоем. Ты же, яко имущая дерзновение ко Господу от всяких бед и обстояний нас свободи во умилении сердец тебе зовущих: Радуйся, святая преподобномученице Екатерино, похвало и заступление земли Симбирския.

Икос 1

Ангельской чистоте поревновала еси Екатерина егда богомудрою отроковицею притекла еси во обитель Спасскую богоспасаемаго града Симбирска, всею душою восхотевши приятия равноангельскаго иноческаго пострига и пребыла еси послушницею святой обители. Мы же дивящися таковому от юности твоему избранию со умилением взываем сице: Радуйся, от юности всем сердцем, всем

помышлением и всею крепостию Христа возлюбившая; радуйся, от рода христианского в чин равноангельстий Христом призванная. Радуйся, сердцем утвержденная в Бозе; радуйся, верная послушнице обители Спасовой. Радуйся, души твоея благое избрание; радуйся. верных Христу в дружине иночестей собрание. Радуйся, яко девство в дар Богу принесла еси; радуйся, яко от Спаса дары духовныя достойно прияла еси. Радуйся, отроковице богоизбранная достойно; радуйся, мати преподобная хвалимая велегласно. Радуйся, святая преподобномученице Екатерино, похвало и заступление земли Симбирския.

Кондак 2

Видя Господь Бог доброхвальное изволение сердца твоего боголюбиваго, яко от юности добрый плод жития своего возжелела принести Господу, любовью ко Христу сердце воспламеняюще молитвенно взывала еси благодееющему тебе Богу: Аллилуиа.

Икос 2

Разум богопросвещенный тебе даровася свыше от Отца светов, Екатерино богосветлая, не

убоялася еси изгнания от отступников неверных из обители Спасовой, еяже безумнии завтвориша и послежде разориша. ты же, мати премудрая, и вне стен Дома Божьего верно Господеви служила еси молитвою и постом. Мы же любовь твою память чтуще взываем ти благохвалебно:

Радуйся, разрушение храмов болезнующим сердцем видевшая; радуйся, храм сердца твоего неверным врагам не сдавшая.

Радуйся, веры твоей испытание во изгнание достойно претерпевшая; радуйся, узким тернистым путем в гонениях к небесам восшедшая.

Радуйся, посреди мрака безбожия веру хранившая; радуйся, ныне нас верою торжествующе наставляющая.

Радуйся, Спасския обители незримый покрове; радуйся, монашествующих богомудрое наставление.

Радуйся, иноков и инокинь благая сомолитвеннице; радуйся, всем православным добрая в благочестии наставнице.

Радуйся, святая преподобномученице Екатерино, похвало и заступление земли Симбирския.

Кондак 3

Силою Божия благодати укрепляема спасения ради души твоея боголюбивыя, о Екатерино молитвеннице теплая, пребывала еси в подвизех поста и молитвы посреде торжества антихристовых слуг. Страха же сих не убояшеся, не престанно воспевая Богу: Аллилуиа.

Икос 3

Имуще щит веры православныя и меч молитвы непрестанныя победила враги Церкви видимыя и невидимыя путем крестоношения взошла еси по лестнице добродетелей в небесный град Иерусалим. ныне же не оставляеши града Симбирска своим всемогущим заступлением и скоротечной помощью, о Екатерино добропобедная, молящеся о нас грешных, воспевающих ти похвальныя песни:

Радуйся, адаманте веры посреди тьмы неверия; радуйся, блажен муж в немогущем женском телеси.

Радуйся, бисер райский прекрасный; радуйся, крине небесный благоуханный.

Радуйся, яко не оставила еси нас сирых; радуйся, яко привела еси к покаянию нас грешных.

Радуйся, Светом Троическим осиянная; радуйся, на трапезу Господню призванная.

Радуйся, избраннице Бога Вышняго; радуйся, скиталице на грешной земле.

Радуйся, святая преподобномученице
Екатерино, похвало и заступление земли
Симбирския.

Кондак 4

Буря крамолы воздвигнутая безбожными
отступниками потопиша землю Русскую в
нечестии, мнози убояшася злых и отступиша от
Господа. Ты же, Екатерино, веру твою основала
еси на Христе, яко на каменю веры истинныя,
воспевала еси Всесильному Спасу: Аллилуиа.

Икос 4

Слышаще о разорении храмов Божиих, убиении
верных Христу оружие поста и молитвы
противоустроила еси ярости лукавых, о
Екатерино богомудрая, моляся духом
сокрушенным и сердцем умиленным о всех и
вся. Сего ради мы маловернии возносим тебе
песнопения хвалебныя:

Радуйся, страх вражии изгоняющая любовью ко
Господу; радуйся, страхом Божиим
ограждающая от греха.

Радуйся, града Симбирска теплая молитвеннице;
радуйся, за землю Русскую пред Богом
предстательнице.

Радуйся, в житии нашем земном доброе назидание; радуйся, душам огорченным молитвенное радование.

Радуйся, возрождение храмов Симбирских, яко финикс, от земли; радуйся, града Иерусалима Вышняго жительница на небеси.

Радуйся, победившая зло добром; радуйся, средь бурь моря житейского устоявшая в Истине.

Радуйся, святая преподобномученице Екатерино, похвало и заступление земли Симбирския.

Кондак 5

Боготечною звездою озарившею небосклон Церкви православней явилася еси, Екатерино Симбирская, новомученице Российская, егда мира прелести и богоотступников угрозы и прельщения победила еси силою распятого Христа, Ему же непрестанно воспеваеши: Аллилуиа.

Икос 5

Видев Царь Славы Христос мужество твое неодоленное никиими же силами злобы враг видимых и невидимых возложил на главу твою пресветлую венец славы небесной Сего ради мы земные и перстные глаголем тебе песни небесныя:

Радуйся, Царем Славы прославленная; радуйся, грешными усты на земли хвалимая.

Радуйся, средь треволнения моря житейского тихое пристанище; радуйся, веры богоданное сокровище.

Радуйся, яко защищаеши нас от всяких зол; радуйся, яко научаеши нас богохвалению.

Радуйся, добромолитвенница о наших душах; радуйся, благоукрасительница обители Спасския.

Радуйся, звездо православия над градом Симбирском непрестанно сияющая; радуйся, благодатию сердца наша дивно просвещающая.

Радуйся, святая преподобномученице Екатерино, похвало и заступление земли Симбирския.

Кондак 6

Проповедию веры истинныя просвещающей сердца людстии во граде Симбирске и в стране нашей Российстей явилось житие твое, Екатерино пресветлая, Христа возлюбившая паче смерти, Ему же богокрасную песнь воспеваеши: Аллилуиа.

Икос 6

Возсияй и ныне свет веры православней в душах, просвети Светом Твоея Истины сердца

людстии, Господи Иисусе Христе, молитвами
Екатерины Симбиской, еяже подвигом
вдохновляеми и благодатию Твоей укрепляеми
воспоем похвалы добросветлыя:

Радуйся, заре богопросвещения во тьме
неведения; радуйся, светило светом Истины нас
озаряющее.

Радуйся, преподобных радование в Дусе Святе;
радуйся, мученице за Христа Спаса.

Радуйся, мати преподобная всем сиротам;
радуйся, утешительницы скорая обидимым.

Радуйся, яко молитвою своею небесною нас
благодатию наполняеши; радуйся, яко памятию
твоей добропобедной нас укрепляеши.

Радуйся, наставнице монахом и собеседнице
ангелом; радуйся, грешным людям небесное
просвещение.

Радуйся, святая преподобномученице
Екатерино, похвало и заступление земли
Симбирския.

Кондак 7

Хотящи душу твою спасти, Екатерино
богоразумная, вся себя предала еси Христу Богу,
верная Ему же душою и телом всею жизнью
твоей земней и смертию добропобедной
воспеваеши Ему: Аллилуиа.

Икос 7

Новыя мученицы Российстей Екатерины Симбирской добрый плод показа нам Господь, еяже молитвами у Престола Вседержителя человечести души на земли просвещаются, храмы созидаются, болезни исцеляются. Мы же о сем добре ведуще богохвальные хвалы матери святой принесем:

Радуйся, николиже не преступишая заповедей Господних; радуйся, ничимже не отступившая от веры православных.

Радуйся, душ немощных в вере укрепление; радуйся, в Бозе молитвенное вдохновение.

Радуйся, отгнательнице всякого уныния; радуйся, утешительнице во всякой печали.

Радуйся, устрашающая неверных; радуйся, ободряющая верных.

Радуйся, яко поношение от нечестивых Господь тебе в честь вменил еси; Радуйся, яко обидящим тя вся вседушно простила еси.

Радуйся, святая преподобномученице Екатерино, похвало и заступление земли Симбирския.

Кондак 8

Странное чудо Богом сотворенное зрим на тебе, Екатерино, дивно бо есть како Бог воскресил память о тебе ради человеков спасения. Мощи

твоя честныя сокрыты от нас, грехов ради наших, прощения же беззаконий наших у Всемиловитоваго Спаса просим, поюще: Аллилуиа.

Икос 8

Все сердце твое, Екатерино боголюбивая, охвачено бысть огнем Божественныя любви, Именем же Сладчайшаго Иисуса предивно наслаждаеши, горьких скорбей на земли избывших окончания достигла еси. Ныне же со ангелы Христу славу воспеваеши, нас призывающе пети тебе похвалы достойныя: Радуйся, крепосте веры и крине райской чистоты; радуйся, преславное торжество богомудрыя доброты.

Радуйся, сосуде богоизбранный; радуйся, свете златозарный.

Радуйся, ангельских сил предивное радование; радуйся, грешников кающихся всемогущее заступление.

Радуйся яко внезапныя смерти избавляеши; радуйся, яко отпавших от веры богопросвещаеши.

Радуйся, милостию Божией дарованная граду нашему заступнице; радуйся, о всех скорбящих молитвеннице.

Радуйся, святая преподобномученице

Екатерино, похвало и заступление земли Симбирския.

Кондак 9

Вси чини ангельстии возликовали еси радостию велию, зряще тя, Екатерино новомученице, победившую миродержца тьмы, шествующую к премирным, яко добропобеднаго воина в ряду полка новомучеников и исповедников Российских, и воспе подобная, взывая: Аллилуиа.

Икос 9

Ветия велеречивыя безумне богоборчестий мятеж в стране Российстей совершиша, храмы разориша. Егда же угрозами и кознями злохитрыми прельщающе тя да от Христа отречешися, то услыша твой глагол богодухновенный, новая исповеднице Екатерино, о злой участи безбожных начинаний, ты же тщашеся в разум истины привести отпавшия от веры отступницы. Мы же маловерные и многогрешные, ныне како возможем постигнуть сего подвига высоту духовную неизмеримую? Однако дерзаем и молим, сподоби, о преподобная мати, всехвально принести тебе песнопения благохвальные: Радуйся, послушнице верная, яко послушанию

Матери Церкви чада ея наставляеши; радуйся, новая исповеднице Христова, яко с сонмом новомучеников Российских Богу воспеваеши. Радуйся, яко от демонских козней и дручений нас избавляеши; радуйся, яко крепостию веры богомудро нас наставляеши.

Радуйся, обители Спасския из праха возстановление; радуйся, душ во глубины греха павших всеблагое покаяние.

Радуйся, блаженства изгнанных правды ради Богом удостоенная; радуйся, убиенная за Христа в Царстве Небесном присно живущая.

Радуйся, верою почитающих тя скорое утешение; радуйся, всем притекающим к тебе присное радование.

Радуйся, святая преподобномученице Екатерино, похвало и заступление земли Симбирския.

Кондак 10

Спасительнаго твоего подвига память ныне соверщающе, приносим ти, Екатерино песнословимая, благодарения от сердец чтущих тя и в умилении молитвенном поющих Богу: Аллилуиа.

Икос 10

Стеной неодолимой и заступлению всемогущему даровая ты, Екатерино новая мученица Христова, граду Симбирску и всей стране Российстей, яко образ победы непобедимая веры над миродержителями тьмы века сего.

Сего ради и мы тебя, яко истинную служительницу и послушницу Христову восхваляем песнопениями доброхвальными: Радуйся, кротостию и смирением злобу победившая; радуйся, память спасительную о себе оставившая.

Радуйся, веры православной добрая победа; радуйся, врагов веры крепкое одоление.

Радуйся, ересей, расколов, отступничества грозная обличительнице; радуйся, согрешающих в ведении и неведении кроткая вразумительнице.

Радуйся, иконой своей град Симбирск благословившая; радуйся, страну нашу православную заступлением своим не оставившая.

Радуйся, Спасския обители от небес верная послушница и до ныне; радуйся, Престолу Христову добрая предстательница превечно.

Радуйся, святая преподобномученице Екатерино, похвало и заступление земли Симбирския.

Кондак 11

Пение молитвенное приносяще тебе люди
Российстии, верныя чада Церкви Православней,
о Екатерино Симбирская, благо дивных твоих
чудес и деяний чающе получитьи, воспеваем
Богу: Аллилуиа.

Икос 11

Светолучную ты свещу, мир просвещающую
лучами Божией благодати поставив бо Господь
на свещнике у Престола Вседержителя. Лучи же
ея достигоша людских сердец на земли, Бога
прославляти научающе и пети тебе подвизгающе
похвалы сия молитвенно:

Радуйся, лучу всесветлый Трисолнечного Света;
радуйся, свеще неугасимая во мраке безбожия.
Радуйся, всем верным волю Господню
указующая; радуйся, грешники ко Господу
приводящая.

Радуйся, яко светом богопознания нас
просвещаеши; радуйся, яко терпети ради
Царства Небесного нас научаеши.

Радуйся, новая Христова мученице кровию
подвиг свой запечатлевшая; радуйся,
богоизбранная от равноангельского чина
исповеднице.

Радуйся, яко безбожную мудрость века сего
посрамила еси; радуйся, яко от волков

отступников веры душу богомудро сохранила еси.

Радуйся, святая преподобномученице
Екатерино, похвало и заступление земли
Симбирския.

Кондак 12

Благодатным твоим подвигом в роды родов
людие христолюбивые утешаются, верою в твое
милостивое пред Богом заступление,
воспевающе Человеколюбцу: Аллилуиа.

Икос 12

Поюще тебе, добрая Христова исповеднице
Екатерино, песньми и пении духовными,
ничтоже творим достойно подвигов твоих
боговдохновенных, но надеясь на милости
Творца твоими молитвами нам грешным
подаваемая, воспоем хваления от сердец
умиленных:

Радуйся, врагам веры стено неприступная;
радуйся, от ересей крепость духовная.

Радуйся, дево духовноблагодатная; радуйся,
милостивая мати всем скорбящим и
обремененным.

Радуйся, немощным и малодушным в скорбех
дивное вспоможение; радуйся, твоими
молитвами от страстей избавление.

Радуйся, бисер многоценый Творцом всяческих созданный; радуйся, дево, яко воин на битву, Богом призванный.

Радуйся, яко песнь хвалебную Христу со ангелы поеши; радуйся, яко моления наша от земли возносимыя слышиши.

Радуйся, святая преподобномученице Екатерино, похвало и заступление земли Симбирския.

Кондак 13

О, святая преподобномученице Екатерино, веры православной пречудная исповеднице, земли Симбирстей радование и Церкви Святей украшение, убогое сие услыши моление наше и благомощное ходатайство твое вознеси о нас ко Господу Богу, да вся полезная ко спасению душевному нам дарует, в вере укрепит, от грехов свободит, во еже безпреткновенно внити нам в Царство Небесное и воспети тамо Живоначальной Троице: Аллилуиа.

